

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

ENPLEGU, MERKATARITZA ETA TURISMO SUSTAPENAREN ETA FORU ADMINISTRAZIOAREN SAILA

Foru Agindua 124/2019 martxoaren 11koa, Arabako udalerrietako espazio publikoetan merkataritza indarberritzeko laguntzen deialdia onartzen duena

Merkataritza sektorea funtsezko sektorea da, enplegua sortzen duelako eta herri eta hirietako ekonomia eta gizarte jarduerak egituratzen dituelako.

Merkataritza garatzeko gako dira udalek merkataritza indarberritzeko egiten dituzten jardunak. Jardun horien barruan, espazio publikoak egokitzea eta hobetzea garrantzitsua da oso, espazio publikoek ahalbidetzen baitute hurbileko saltegiak sendotzea eta gure herri eta hirietako hirigunea leheneratzea.

Arabako Foru Aldundiko Enplegu, Merkataritza eta Turismo Sustapenaren eta Foru Administrazioaren Sailaren eginkizunetako bat da merkataritza sektorea bultzatu, sustatu eta garatzea, bai eta gure lurraldean lan egiten duten eragileekiko eta erakunde publiko zein pribatuekiko lankidetzaren sustatzea ere. Horien artean, lurraldeko hiriburu ez diren udalerrietara bideratu nahi dira jardunak, hain zuzen ere zailtasun handiagoa dutelako tokiko merkataritza sustatzeko politikak garatzeko.

Premisa horiek oinarri hartuta, eta erakunde arteko lankidetzaren eta lurralde oreka garatzearen mesedetan, Arabako Foru Aldundiak aurreikusi du abian jartzea Arabako udalerrietako espazio publikoetan merkataritza indarberritzeko laguntzen deialdia.

Ekimen horrek, bai eta landa merkataritza sustatzeko jarduerak egiteko laguntzek ere, xede dute merkataritza sustatzea Arabako eskualde guztietan, hiriburu ez diren Arabako udalerrietan aberastasuna eta enplegua sortzeko neurritzat hartuta.

Arabako Foru Aldundiak, Diputatuen Kontseiluaren martxoaren 15eko 26/2016 Foru Dekretuaren bidez, Arabako Foru Aldundiaren Enplegu, Merkataritza eta Turismo sustapenaren eta Foru Administrazioaren Sailaren Enplegu, Merkataritza eta Turismo Sustapenaren Zuzendaritzaren eskumenen eremuan ematen diren dirulaguntzen oinarri arautzaile orokorrak onartu zituen; araudi horrek arautzen ditu Enplegu, Merkataritza eta Turismo Zuzendaritzak lehia araubidearen pean ematen dituen dirulaguntzak. Araudi hori martxoaren 28ko 19/2017 Foru Dekretuaren bidez aldatu da.

Oinarri horiek onartzearen ondorioz, eta ahalik eta zabalkunderik handiena ematearren eta publizitatearen, lehiaren, objektibotasunaren, berdintasunaren eta diskriminaziorik ezaren printzipioak betetzeko, laguntzetarako deialdia ezarri behar da, merkataritza sustatzeko ekimen horiek berari lotu beharko baitzaizkio.

Aginduzko txostenak aztertu dira.

Horregatik, dagozkidan ahalmenak erabiliz, honako hau

XEDATZEN DUT

Lehenengoa. Onartzea 2018an Arabako udalerrietako espazio publikoetan merkataritza indarberritzeko jarduerak egiteko laguntzen deialdi publikoa, zeinaren gehieneko hornidura 35.000,00 euro izango den. Deialdia ebazpen honi erantsi zaio.

Bigarrena. Deialdia arautzen dute Enplegu, Merkataritza eta Turismo Sustapenaren eta Foru Administrazioaren Saileko Enplegu, Merkataritza eta Turismo Sustapenaren Zuzendaritzaren dirulaguntzak lehia araubidean emateko oinarri orokorrek (Diputatuen Kontseiluaren martxoaren 15eko 26/2016 Foru Dekretua, 2016ko martxoaren 30ean, asteazkenean, ALHAOn argitaratua, 36. zenbakian), haren ondorengo aldaketak (martxoaren 28ko 19/2017 Foru Dekretua) eta ebazpen honen eranskinean xedatutakoek.

Hirugarrena. Ebazpen honen bidez arautzen diren dirulaguntzak Arabako Foru Aldundiaren 2019rako luzatutako 2018ko aurrekontuko 30.5.02.36.01.762.90.01 (xedapen erreferentzia: 105.961/000) gastu partidaren kontura ordainduko dira, eta zenbatekoa 35.000,00 euro izango da.

Deialdi honetan zehazten diren aurrekontuko partiden hasierako hornidura aurrekontu transferentzia egokien bitartez gehitu ahal izango da hasierako aurrekontuaren ehuneko 100era arte, baldin eta Enplegu, Merkataritza eta Turismo Sustapenaren Zuzendaritzaren beste partida batzuetan gerakinik badago.

Laugarrena. Ebazpen horrek bide administratiboa agortzen du, baina Diputatuen Kontseiluari erabakia jakinarazi den egunaren hurrengotik hasi eta hilabete igaro baino lehen aukerako berraztertze errekurtsoa jar daiteke, urriaren 1eko 39/2015 Legearen, administrazio prozedura erkidearenaren, 123. artikulua xedatzen duenaren arabera. Bestela, zuzenean aurkatu daiteke administrazioarekiko auzietarako dagokion jurisdikzioaren aurrean, erabakia jakinarazi den egunaren hurrengotik hasi eta bi hilabete igaro baino lehen.

Bosgarrena. Deialdi hau ALHAOn argitaratuko da, eta argitaratu eta hurrengo egunetik aurrera izango du indarra.

Vitoria-Gasteiz, 2019ko martxoaren 11

Merkataritza eta Turismo Sustapenaren eta Foru Administrazioaren Saileko foru diputatua
CRISTINA GONZÁLEZ CALVAR

Enplegu, Merkataritza eta Turismo Sustapenaren zuzendaria
JUAN FELIPE GARCÍA MIRAVALLES

ERANSKINA

ARABAKO UDALERRIETAKO ESPAZIO PUBLIKOETAN MERKATARITZA INDARBERRITZEKO LAGUNTZEN 2019KO DEIALDIA

1. artikulua. Xedea

Deialdi honen xedea da laguntza ematea Arabako udalerrietako espazio publikoetan bertako merkataritza egitura indartzen lagunduko duten merkataritza indarberritzeko proiektuak egin daitezen.

2. artikulua. Aurrekontu partida eta gehieneko zenbateko osoa

2.1. Deialdi honen bidez arautzen diren dirulaguntzak Arabako Foru Aldundiaren 2019rako luzatutako 2018ko aurrekontuko 30.5.02.36.01.762.90.01 (xedapen erreferentzia: 105.961/000) gastu partidaren kontura ordainduko dira, eta zenbatekoa 35.000 euro izango da.

2.2. Deialdi honetan zehazten diren aurrekontuko partiden hasierako hornidura aurrekontu transferentzia egokien bitartez gehitu ahal izango da hasierako aurrekontuaren ehuneko 100era arte, baldin eta Enplegu, Merkataritza eta Turismo Sustapenaren Zuzendaritzaren beste partida batzuetan gerakinik badago.

3. artikulua. Erakunde onuradunak

3.1. Honako hauek izan daitezke erakunde onuradunak, eta eskuratu ditzakete laguntza lerro honetan jasotzen diren onurak:

– Arabako Lurralde Historikoko 3.000 biztanle baino gehiagoko udalak, lurraldeko hiriburua izan ezik.

– Arabako Lurralde Historikoko 3.000 biztanle baino gutxiagoko udalak, merkataritza indarberritzeko gaitasuna duten herrigune historikoak dituztenak.

Deialdi honen ondorioetarako, honako hauek izango dira merkataritza indarberritzeko gaitasuna duten herrigune historikoak dituzten 3.000 biztanletik beherako udalerriak: Dulantzi, Artziniega, Elciego, Bastida eta Guardia.

3.2. Ezin izango dira onuradun izan beren onartze prozesuan edo funtzionamenduan sexuagatik bereizketa egiten duten erakundeak, Eusko Legebiltzarraren otsailaren 18ko 4/2005 Legeak, emakumeen eta gizonen berdintasunerakoak, 24.2. artikuluan xedatutakoarekin bat etorritik.

Era berean, ezin izango dira lehiatu, dagokien zigorrak ezarritako denboran, sexuagatik bereizketa egiteagatik zigor administratibo edo penala jaso duten erakundeak, ez eta Emakumeen eta gizonen berdintasunerako Legearen ondorioz debeku horrekin zigortutakoak ere, azaroaren 11ko 1/1997 Legegintzako Dekretuak, Euskadiko Ogasuna antolatzen duten printzipioen Legearen testu bateratua onartzen duenak, 50.5. artikuluan jasotzen duen bezalaxe (Eusko Legebiltzarraren otsailaren 18ko 4/2005 Legeak, emakumeen eta gizonen berdintasunerakoak, azken xedapenetatik seigarrenean emandako idazketaren arabera).

4. artikulua. Diruz lagundu daitezkeen gastuak

4.1. Diruz lagundu ahalko dira proiektuak abian jartzeko inolako zalantzarik gabe lagungarriak diren gastuak, beharrezkoak direnak eta ezarritako epean egiten direnak, hala nola:

a) Merkataritza sektorea indartzeko edo suspertzeko azterlan edo planak, halakorik ez daukaten udalerrietarako, edo 5 urte baino gehiagokoak eguneratzeko, eta, betiere, azken 5 urtean antzeko azterlan edo planik diruz lagundu ez bada.

b) Hirigintzan eta merkataritzan egin beharreko inbertsioak aztertzeke, haien diagnostikoa egiteke eta zehazteke azterlanak.

c) Hirigintza eta merkataritzako inbertsioak, helburu dutenak hiri ekipamendua edo altzariak zabaltzea eta berritzea, merkataritza espazioak hobetzeko eta/edo egokitzeko.

Inbertsioak honako hauetarako egin ahalko dira:

– eserlekuak,

– paperontziak,

– jardinerak eta loreontziak,

– taketak, sarbideen kontrolak eta eskudelak,

– iturriak,

– seinaleak (informazio publikoa, hiriko kaleen planoak, ibilbideak, termometroak, publizitate taulak).

4.2. Diruz lagundu daitezkeen aurrekontuaren ehuneko 100eraino azpikontratatzea baimentzen da, azaroaren 17ko 38/2003 Lege Orokorrak, dirulaguntzenak, 29. artikuluan ezarritako betekizunak betez gero.

5. artikulua. Aplikazio eremua eta jarduerak gauzatzeko epea

Deialdi honen onuradun diren entitateek 2019ko urtarrilaren 1etik 2019ko azaroaren 30a arteko aldiaren egin beharko dituzte lanak eta/edo inbertsioak.

6. artikulua. Dirulaguntzen zenbatekoak eta mugak

6.1. Oro har, diruz lagundu daitezkeen aurrekontuei aplikatu beharreko dirulaguntza ehunekoak hauek izango dira:

– Udalerrian merkataritza indarberritzeko edo suspertzeko azterlan edo planetarako: azterlanaren edo planaren kostuaren ehuneko 90. Dirulaguntza, gehienez ere: 12.000,00 euro.

– Merkataritza arloko azterlan-diagnostikoetarako eta inbertsioak zehazteko: azterlanaren kostuaren ehuneko 90. Dirulaguntza, gehienez ere: 2.000,00 euro.

– Hirigintza eta merkataritzako inbertsioetarako: inbertsioen kostuaren ehuneko 70. Dirulaguntza, gehienez ere: 15.000,00 euro.

Entitate onuradun bakoitzak urtean eskuratu ahal izango duen gehieneko dirulaguntza, guztira, 30.000 euro da.

Eskaera bat diruz lagundu ahal izateko, guztira esleitu ahal izango den dirulaguntzaren zenbateko gutxieneko bat ezartzen da, 1.500,00 euro, hain zuzen.

7. artikulua. Dirulaguntzen bateragarritasuna

Jardun horietarako jaso daitezkeen gainerako laguntzak bateraezinak izango dira ebazpen honetakoekin, zer motatakoak diren edo zein organo edo administrazioi ematen dituen gorabehera.

Dirulaguntza eta dagozkion berandutze interesak itzultzeko eskatu beharko da, baldin eta Arabako Foru Aldundiak jakiten badu erakunde onuradun batek beste dirulaguntza bat edo batzuk jaso dituela, emandakoarekin bateraezinak direnak, eta ez diela uko egin behar den bezala.

8. artikulua. Prozedura bideratzeko organo eskudunak

8.1. Prozedura Enplegu, Merkataritza eta Turismo Sustapenaren Zerbitzuak bideratuko du.

8.2. Balorazio Batzordea honela eratuta egongo da:

– Batzordeburua: Enplegu, Merkataritza eta Turismo Sustapenaren zuzendaria edo berak eskuordetzen duen pertsona.

– Batzordekidea: Enplegu, Merkataritza eta Turismo Sustapenaren Zerbitzuko burua edo berak eskuordetzen duen pertsona.

– Idazkaria: Enplegu, Merkataritza eta Turismo Sustapenaren Zerbitzuko teknikari bat.

9. artikulua. Eskaerak aurkezteko epea eta modua

9.1. Eskaerak Arabako Foru Aldundiko Erregistro Orokorrean aurkeztu behar dira (Probintzia Plaza, 5 - 01001, Gasteiz), edo itundutako udalen erregistro orokorretan, eta Enplegu, Merkataritza eta Turismo Sustapenaren Zerbitzuari zuzendu behar zaizkio (Arabako Foru Aldundiko Enplegu, Merkataritza eta Turismo Sustapenaren Zuzendaritza); edonola ere, urriaren 1eko 39/2015 Legean, administrazio prozedura erkidearenean, ezarritakoa bete beharko da.

9.2. Eskaerak aurkezteko 30 egun naturaleko epea egongo da, deialdia ALHAOn argitaratu eta hurrengo egunetik aurrera.

9.3. Ebazpen honetan araututako laguntzen eskaera egitean agiri hauek aurkeztu behar dira:

– Laguntzen deialdian sartzeko eskaera.

– Paragrafo hauek jasoko dituen adierazpena:

– Udalerriak eskaera egiazkoa dela baieztatzeko behar diren egiaztagiri guztiak aurkeztuko dituela, eta Arabako Foru Aldundiak eskatuko dizkion argibide osagarriak emango dituela.

- Udalerriak ez duela laguntza hauen onuradun izan ahal izateko 38/2003 Lege Orokorrak, dirulaguntzenak, ezarritako debekurik.
- Ez dela bestelako laguntzarik eskatu dirulaguntza honetarako aurkeztutako jardunetarako.
- Azterlan edo planik ez diruz lagundu izana azken 5 urteetan.
- Dirulaguntzaren xede izango diren jardunen azalpena, eta jardun horiek egiteko arrazoia; eta jardun bakoitzaren aurrekontu banakatua.
- Lana egingo duen enpresaren eskaintzaren fotokopia.
- Ondasuna eman aurretik eskatutako hiru eskaintzen fotokopia, baldin lanek kontratu txi-kietarako ezarritako mugak gainditzen badituzte (40.000,00 euro obretarako eta 15.000,00 euro gainerakorako); eta zein eskaintza aukeratu den eta hautaketa horretarako arrazoia azaltzen dituen agiria.
- Behar izanez gero, dirulaguntzaren xede diren jarduerak edo inbertsioak egitea ekarriko duen merkataritza suspertzeko planaren kopia.

10. artikulua. Proiektuak hautatzeko eta baloratzeko irizpideak

10.1. Azterlan edo hirigintza-merkataritza inbertsio mota bakoitza bereiz baloratuko da artikuluko honetan zehazten diren irizpideak oinarri.

Araudi honen ondorioetarako, hirigintza-merkataritza inbertsio mota gisa ulertuko dira ezaugarri teknika komunak dauzkatena. Enplegu, Merkataritza eta Turismo Sustapenaren Zerbitzuak egokitzapen lanak egin ahalko ditu, entitate bakoitzak aurkeztutako eskaerak banatuz edo multzokatuz, horrela aurretik ezarritakora hobeto moldatzen dela ulertuz gero.

10.2. Erakunde bakoitzak 3 azterlan/inbertsio eska ditzake gehienez.

10.3. Aurkeztutako jarduerak, oro har, ondoren adierazten diren irizpide eta puntuazioen arabera baloratuko dira:

a) Jardunak udalerrian merkataritza sektorea suspertzeko emango duen laguntza (40 puntu).

Handia	50 puntu
Ertaina/handia	40 puntu
Ertaina	30 puntu
Ertaina/txikia	20 puntu
Txikia	10 puntu

b) Aurkeztutako eskaeraren definizio eta kalitate maila eta edukia, eta hura aztertzeko beharrezkoak diren agiri guztiak hasieratik bertatik aurkeztu izana (20 puntu).

Eskaera aurkezteko unean eskaera osorik egon da, eta proiektuaren zehaztasun eta definizio maila handia izan da.	20 puntu
Eskaera aurkezteko unean eskaera osorik egon da, eta proiektuaren zehaztasun eta definizio maila ertaina izan da.	15 puntu
Eskaera aurkezteko unean eskaera ez da osorik egon, baina geroago osatu egin da, eta proiektuaren zehaztasun eta definizio maila handia izan da.	10 puntu
Aurkeztutako gainerako eskaerak	0 puntu

c) Dirulaguntzara aurkeztutako jardun mota (10 puntu).

Azterlana soilik eskatu du	10 puntu
Azterlana eta hortik eratorriko diren inbertsioak eskatu ditu	7 puntu
Inbertsioak soilik eskatu ditu, eta inbertsio horiek bat datoz aurrez egindako MSPB edo merkataritza indarberritzeko plan batekin	5 puntu
Inbertsioak soilik eskatu ditu, eta ez du MSPBrik edo merkataritza indarberritzeko planik, edo inbertsioak ez datoz bat plan horietan ezarritakoarekin.	0 puntu

d) Udalerriko biztanle kopurua (20 puntu).

5.000 biztanletik gorako udalerrak	20 puntu
3.000 eta 5.000 biztanle arteko udalerrak	15 puntu
3.000 biztanletik beherako udalerrak	10 puntu

10.4. Dirulaguntza emango zaien erakundeak zehaztu eta haien arteko azken hautaketa egiteko, eta bakoitzari emango zaion dirulaguntza zenbatekoa izango den zehazteko, Diputatuaren Kontseiluaren martxoaren 15eko 26/2016 Foru Dekretuaren 6. artikuluan zehaztutakoari jarraituko zaio.

10.5. Eskabidean sartutako partida bat, Enplegu, Merkataritza eta Turismoa Sustapenaren Sailaren ustez, ez bada behar bezain lagungarri udalerriko merkataritza indartzeko, partida hori kanpoan utzi ahal izango da esleitu beharreko dirulaguntza kalkulatzeko orduan. Halaber, entitate onuradunak dirulaguntza gisa esleitu daitekeen gehieneko zenbateko osoa ahitzen badu (6. artikuluan dago ezarrita, eta 30.000 euro dira), Enplegu, Merkataritza eta Turismo Sustapenaren Zerbitzuaren ahala izango da determinatzea zein kontzeptu diren diruz laguntzekoak.

11. artikulua. Ebazteko eta jakinarazteko epea

11.1. Organo eskudunak, Balorazio Batzordearen proposamenez, bidezko deritzon ebazpena emango du. Ebazteko epea Diputatuaren Kontseiluaren martxoaren 15eko 26/2016 Foru Dekretuaren 6. artikuluan ezarritakoaren arabera arautuko da.

11.2. Ebazpenak gutun ziurtatuaren bidez jakinaraziko dira. Nolanahi ere, urriaren 1eko 39/2015 Legean, administrazio prozedura erkidearenean, ezarritakoaren arabera jardungo da.

11.3. Ebazpenak bide administratiboa agortzen du, baina Foru Gobernu Kontseiluari erabakia jakinarazi den egunaren hurrengotik hasi eta hilabete igaro baino lehen aukerako berraztertze errekurtsoa jar daiteke, urriaren 1eko 39/2015 Legearen, administrazio prozedura erkidearenean, 123. artikulua xedatzen duenaren arabera. Bestela, zuzenean aurkatu daiteke administrazioarekiko auzietarako dagokion jurisdikzioaren aurrean, erabakia jakinarazi den egunaren hurrengotik hasi eta bi hilabete igaro baino lehen.

12. artikulua. Erakunde onuradunen betebeharrak

Dirulaguntzaren xedarekin zerikusia duten komunikazio, publizitate eta zabalkunde ekintza guztiak, ekitaldi publiko nahiz pribatuaren antolaketa, aurkezpen, amaiera ekitaldi eta antzekoak alde aurretik Arabako Foru Aldundiarekin adostu beharko dira, bere irudi korporatiboaren inguruan berak ezartzen dituen jarraibideei jarraituko zaie, eta bi hizkuntza ofizialak erabiliko dira, herritarrek hizkuntza aukeratzeko duten eskubidea modu eraginkorrean bermatuz.

13. artikulua. Dirulaguntzen justifikazioa eta ordainketa

13.1. Arabako Foru Aldundiak dirulaguntza ordaindu aurretik, eskatzaileak diruz lagundutako jardunak edo inbertsioak egin izana justifikatzeko azken memoria aurkeztu behar du beranduenik ere 2019ko azaroaren 30ean. Horrez gain, beste agiri hauek ere aurkeztu behar ditu:

- Diruz lagundutako inbertsioen argazkiak.
- Justifikazio fakturen zerrenda; honako hauek adierazi behar dira: hartzekoduna, zenbatekoa, jaulkipen data eta ordainketa data, egoki bada.
- Justifikazio fakturak ez direla bestelako dirulaguntza deialdietara aurkeztu ziurtatzen duen adierazpena.
- Justifikazio fakturen jatorrizkoak edo fotokopia konpulsatuak.
- Aurkeztutako fakturak ordaindu izanaren ziurtagiriak (kontabilitateko P agiriak edo banku transferentziak edo laburpenak, ordainketa edo transferentzia egin duen bankuaren zigiluarekin).

Baldin gasturen baten zenbatekoa kontratu txikietarako ezarritako zenbatekoa bestekoa edo handiagoa bada (40.000,00 euro obretan edo 15.000,00 euro gainerako kontratuetan), honako hauek aurkeztu beharko dira, hautaketaren justifikazioaz gain, baldin hautatutako eskaintza ekonomiaren aldetik onena ez bada: hiru eskaintza, eta, hautatutako eskaintza onuragarriena ez bada, justifikazio txostena, betiere ez bazen aurkeztu eskaera egiteko unean eta, geroago, gastu erreala kontratu txikietarako ezarritako mugara iritsi bada edo hura gainditu badu.

6.1 paragrafoan ezarritako dirulaguntza mugetako edozein aplikatu bada, onargarria izango da, Enplegu, Merkataritza eta Turismoaren Sustapenaren Zerbitzuak txostena alde aurretik txostena eginik, diruz laguntzekoa den gastuan murrizketak egitea, esleitutako dirulaguntza aldatu gabe, ordea; alabaina, beharrezkoa izango da betetzea dirulaguntzaren xedea, eta errespetatzea diruz lagundutako gastuaren gutxieneko zenbateko justifikatu beharrezkoa, alegia, operazio honen emaitza: esleitutako dirulaguntzaren gehieneko zenbatekoa zati aplikatutako dirulaguntza ehuneko.

Nolanahi ere, Enplegu, Merkataritza eta Turismo Sustapenaren Zerbitzuak aukeran izango du beste agiri batzuk ere eskatzea, egoki baderitza aurkeztutako memorian aipatzen dena egiaztatzeko.

13.2. Baldin onuradunak fakturaren baten ordainketa justifikatzeko badu, dirulaguntza ordaindu ahal izango da, justifikatu beharrezko aurrerakin moduan. Hala egiten denean, eskatzaileak emateke dituen egiaztagiria 2020ko apirilaren 3a baino lehen aurkeztu beharko ditu.

Justifikatzen ez bada, aurreratutako dirulaguntza itzuli beharko da, dagozkion berandutze interesekin batera.

14. artikulua. Garapena

Enplegu, Merkataritza eta Turismo Sustapenaren eta Foru Administrazioaren Saileko foru diputatuari ahalmena ematen zaio ebazpen hau behar bezala garatzeko, aplikatzeko eta interpretatzeko beharrezko den xedapen oro eman dezan.

15. artikulua. Azken klausula

Deialdi honetan ezarritako prozedura Diputatuen Kontseiluaren 26/2016 Foru Dekretuaren eta haren ondorengo aldaketaren bidez (martxoaren 28ko 19/2017 Foru Dekretua) aurreko dekretuari egiten dion aldaketaren bidez onartutako oinarri orokorretan ezarritakoaren mendean dago, hauetan xedatutakoaren aurka ez badago: Arabako Lurralde Historikoaren dirulaguntzen urriaren 19ko 11/2016 Foru Arau berria; Dirulaguntzei buruzko azaroaren 17ko 38/2003 Lege Orokorra eta uztailaren 21eko 887/2006 Errege dekretua, Dirulaguntzei buruzko azaroaren 17ko 38/2003 Legearen Araudia onartzen duena, nahiz dirulaguntzei buruzko ondorengo gainerako xedapenak.